



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-058-6/26**

Datum: **07.05.2026. godine**

„Agencija za vodno područje rijeke Save“ Sarajevo rješavajući, po zahtjevu Grada Zavidovići za donošenje rješenja o vodnoj saglasnosti za uređenje obala rijeke Krivaje u dužini od 500 m, u naselju Brezik, grad Zavidovići, na osnovu člana 109. stav (1) tačka 8. i 14. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22) donosi

R J E Š E N J E **o vodnoj saglasnosti**

1. Gradu Zavidovići daje se vodna saglasnost za uređenje obala rijeke Krivaje u dužini od 500 m, u naselju Brezik, grad Zavidovići, a u cilju poboljšanja uslova tečenja i sprječavanja štetnog djelovanja voda, na osnovu tehničke dokumentacije:
 - *Glavni projekat: „Uređenje obala i obezbjeđenje proticajnog profila korita rijeke Krivaje u naseljenom mjestu Brezik polje – Luka na lokaciji Hum, grad Zavidovići“, urađen od strane „HIGRACON“ d.o.o. Sarajevo, juli 2023. godine.*

Ova vodna saglasnost može se koristiti isključivo u postupku pribavljanja odobrenja za građenje, a u skladu sa Zakonom o prostornom uređenju i građenju Zeničko-dobojskog kantona.

2. Vodna saglasnost se donosi na osnovu pregleda dostavljene tehničke dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja.
3. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Sve radove na uređenju obala rijeke Krivaje u dužini od 500 m, u naselju Brezik, grad Zavidovići, u cilju poboljšanja uslova tečenja i sprječavanja štetnog djelovanja voda, izvesti u skladu sa ovjerenom tehničkom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uslova izvođenja radova, a u skladu sa uslovima iz ove vodne saglasnosti.
 - 3.2. Korisnik vodne saglasnosti je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Korisnik vodne saglasnosti je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.4. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
 - 3.5. U toku izvođenja predmetnih radova, iskopani materijal i nastali otpad se ne smije ni privremeno odlagati na zemljišnu česticu „vodno dobro“, odnosno unositi u vodotok i na njegove obale.
 - 3.6. U toku izvođenja radova, neophodno je poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim (erozija obale i korita vodotoka, pogoršanje kvaliteta vode i dr).
 - 3.7. Planom organizacije gradilišta koje će se formirati u funkciji provođenja predmetnih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.8. Tokom izvođenja radova, treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.

- 3.9. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.10. Nakon završetka radova na predmetnom lokalitetu u naselju Brezik neophodno je radni pojas koji uključuje korito, inundacioni pojas i obalu rijeke Krivaje urediti i očistiti od gradilišnog i drugog otpada.
- 3.11. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 06-19-261/25-UP-1-3 od 27.05.2025. godine, kao i Rješenja o izmjeni urbanističke saglasnosti broj: 06-19-1042/26-UP-1-3 od 30.03.2026. godine, izdata od strane Službe za upravu geodetskih, imovinsko – pravnih poslova i urbanizma grada Zavidovići.
- 3.12. Sve eventualne kolizije sa postojećim infrastrukturnim objektima (instalacije vodovoda i kanalizacije, elektro i sl.) na lokalitetu na kojem će se izvoditi radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatora koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na uređenju obala rijeke Krivaje u dužini od 500 m u naselju Brezik ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obale rijeke Krivaje ili nanese štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvjestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
7. Prilikom određivanja perioda izvođenja radova, korisnik vodne saglasnosti ostaje u obavezi da uskladi termine izvođenja radova kao i sam način izvođenja radova u skladu sa saglasnošću Udruženja građana sportskih ribolovaca „Krivaja“ Zavidovići broj: 29.04.2026. od 01.04.2026. godine, koje je korisnik ribolovnog prava na ovom ribolovnom području.
8. Ukoliko se prilikom izvođenja zemljanih radova pojavi višak materijala iz iskopa, a koji ne bude iskorišten za predmetne radove na uređenju obala rijeke Krivaje u naselju Brezik, potrebno je isti odložiti na deponiju izvan vodnog dobra, a sve u skladu sa uputama investitora i nadzora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji će se eventualno pojaviti kod predmetnog uređenja, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka („Službene novine Federacije BiH“, broj 58/15).
9. Korisnik vodne saglasnosti je dužan da prije početka izvođenja radova u saradnji sa nadležnim službama grada Zavidovići riješi imovinsko pravne odnose na lokalitetima izvođenja radova, na mjestu formiranja privremenih gradilišta, pristupnim putevima i deponijama za odlaganje nanosa i materijala izvađenog iz korita.
10. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeti radovi na uređenju/čišćenju korita rijeke Krivaje u skladu sa tehničkom dokumentacijom iz tačke 1. dispozitiva ovog rješenja.
11. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Grad Zavidovići podnio je ovoj Agenciji dana 16.02.2026. godine zahtjev za izdavanje vodne saglasnosti za aktivnosti na uređenju obala rijeke Krivaje u dužini od 500 m u naselju Brezik, a u cilju poboljšanja uslova tečenja i sprječavanja štetnog djelovanja voda, na osnovu tehničke dokumentacije: Glavni projekat: „Uređenje obala i obezbjeđenje proticajnog profila korita rijeke Krivaje u naseljenom mjestu Brezik polje – Luka na lokaciji Hum, grad Zavidovići“, urađen od strane „HIGRACON“ d.o.o. Sarajevo, juli 2023. godine, a u postupku izdavanja odobrenja za građenje.

Uvidom u dostavljeni zahtjev i priloženu dokumentaciju, zaključeno je da je zahtjev nepotpun. Dana 23.02.2026. godine investitoru je dostavljen zahtjev za dopunu dokumentacije. Na navedeni zahtjev investitor je izvršio dopunu dokumentacije 09.04.2026. godine. Nakon pregleda dostavljene dokumentacije, utvrđeno je da nije dostavljena sva tražena dokumentacija, te je investitoru dana 15.04.2026. godine dostavljen novi zahtjev za dopunu dokumentacije. Navedenu dopunu investitor je izvršio 06.05.2026. godine.

U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Kopije saglasnosti mještana za parcele preko kojih se izvode radovi na regulaciji korita;
- Kopija Rješenja o urbanističkoj saglasnosti broj: 06-19-261/25-UP-1-3 od 27.05.2025. godine izdatog od strane Službe za upravu geodetskih, imovinsko – pravnih poslova i urbanizma grada Zavidovići;
- Kopija Rješenja o izmjeni urbanističke saglasnosti broj: 06-19-1042/26-UP-1-3 od 30.03.2026. godine izdatog od strane Službe za upravu geodetskih, imovinsko – pravnih poslova i urbanizma grada Zavidovići;
- Saglasnost Udruženja građana sportskih ribolovaca „Krivaja“ Zavidovići broj: 29.04.2026. od 01.04.2026. godine;
- Kopija Uvjerenja o registraciji poreznog obveznika izdata 29.06.2022. godine od strane Porezne uprave FBiH – kantonalni porezni ured Zenica;
- Ovjereni kopija Privremene statutarne odluke Grada Zavidovići broj: 01-04-1038/22-AP-6 donesena od Općinskog vijeća Zavidovići 31.04.2022. godine;
- Ovjereni kopija naslovne strane Glavnog projekta: „Uređenje obala i obezbjeđenje proticajnog profila korita rijeke Krivaje u naseljenom mjestu Brezik polje – Luka na lokaciji Hum, grad Zavidovići“;
- Dokaz o uplaćenju upravnoj taksi;
- Glavni projekat: „Uređenje obala i obezbjeđenje proticajnog profila korita rijeke Krivaje u naseljenom mjestu Brezik polje – Luka na lokaciji Hum, grad Zavidovići“, urađen od strane „HIGRACON“ d.o.o. Sarajevo.

U provedenom dokaznom postupku koji je prethodio donošenju ovog rješenja utvrđeno je sljedeće:

Za potrebe izvođenja radova na uređenju obala rijeke Krivaje u dužini od 500 m u naselju Brezik, izrađena je projektna dokumentacija: Glavni projekat: „Uređenje obala i obezbjeđenje proticajnog profila korita rijeke Krivaje u naseljenom mjestu Brezik polje – Luka na lokaciji Hum, grad Zavidovići“, urađen od strane „HIGRACON“ d.o.o. Sarajevo.

Dostavljena projektna dokumentacija iz tačke 1. dispozitiva Rješenja urađena je u skladu sa uslovima datim u Rješenju o prethodnoj vodnoj saglasnosti broj: UP-1/21-1-40-132-3/25 donesenom dana 14.04.2025. godine od strane ove Agencije, a za aktivnost na uređenju obala rijeke Krivaje u dužini od 500 m u naselju Brezik u cilju poboljšanja uslova tečenja i sprječavanja štetnog djelovanja voda, te je shodno članu 114. Zakona o vodama, upisivanjem broja i stavljanjem otiska pečata ove Agencije na tehničku dokumentaciju data vodna saglasnost na istu.

Urbanističke uslove za uređenje obala rijeke Krivaje u dužini od 500 m u naselju Brezik, podnosiocu zahtjeva je kroz Rješenje o urbanističkoj saglasnosti i Rješenje o izmjeni urbanističke saglasnosti izdala Služba za upravu geodetskih, imovinsko – pravnih poslova i urbanizma grada Zavidovići. Lokacija izvođenja radova na uređenju obala rijeke Krivaje u dužini od 500 m u naselju Brezik je na dijelovima katastarskih čestica označenih kao k.č. broj: 1762 K.O. Krivaja i 3848/1 K.O. Hajdarevići, grad Zavidovići.

U tehničkoj dokumentaciji su priloženi opisi i nacrti uobičajeni za ovaj nivo dokumentacije - situativni prikazi projektnog rješenja Mj. 1:1000; uzdužni profili Mj. 1:100/1000; normalni profil Mj. 1:100; poprečni profili u mjerilu Mj. 1:100.

Aktivnosti na uređenju obala rijeke Krivaje u dužini od 500 m u naselju Brezik podrazumijevaju radove na uređenju obale u skladu sa usvojenim varijantama normalnog profila. Projektom su obrađeni normalni profili (tip 1 i tip 2) usvojeni na prezentaciji održanoj 10.08.2023. godine u prostorijama Grada Zavidovići. Na dionici od stacionaže 0+000,00 km do mosta 0+162,50 km i od 0+305,50 km do 0+500,00 km, tj. do kraja predmetne dionice projektom je predviđen normalni profil obaloutvrde (tip 1) sa osiguranjem kamenim nabačajem (dsr=45 cm) i nagibom kosine 1:1,5. Na vrhu kosine predviđena je kruna nasipa širine 3 m.

Na dionici uzvodno od mosta, stacionaža od 0+162,50 km do 0+305,50 km, predviđen je normalni profil obaloutvrde (tip 2) sa osiguranjem obale kamenim nabačajem (dsr=45 cm) i nagibom kosine

1:1,5 sa krunom nasipa širine 3 m na desnoj obali odnosno uklapanjem u prirodnu kosinu na lijevoj obali. Projektom su predviđeni betonski stabilizacioni pragovi (ukupno 5) na razmaku od 120 m, silazne betonske stepenice (ukupno 4), betonski kanal za uvođenje zaobalnih voda ukupne dužine 850 m, zacjevljenje tri potoka sa uvođenjem u vodotok, te prilazna rampa na desnoj obali rijeke Krivaje za pristup mehanizacije. Uređenjem obala i korita rijeke Krivaje, te izgradnjom objekata za zaštitu od poplava na predmetnoj lokaciji obezbjeđuje se proticajni profil, stabilizacija obala rijeke Krivaje te sprječava štetno djelovanje voda.

Na temelju utvrđenog činjeničnog stanja i dostavljene dokumentacije, a u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 8. i 14., u vezi sa članom 114. Zakona o vodama i članom 17. stav (1) tačka 13. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22), riješeno je kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 60 KM u skladu sa Zakonom o izmjenama i dopunama Zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Munir Trako, dipl.ing.građ.

Prilog:

- Ovjerena projektna dokumentacija: Glavni projekat: „Uređenje obala i obezbjeđenje proticajnog profila korita rijeke Krivaje u naseljenom mjestu Brezik polje – Luka na lokaciji Hum, grad Zavidovići“, urađen od strane „HIGRACON“ d.o.o. Sarajevo.

Po ovlaštenju
Rukovodilac sektora za izdavanje vodnih akata



Dostaviti:

- Grad Zavidovići
Ulica Safvet-bega Bašagića br. 9, 72 220 Zavidovići (Prilog)
- AVP Sava, ISV - vodna knjiga
- Sektor 40 – arhiva
- Oglasna ploča AVP Sava